

石遺室文集

陳衍著
(全4冊)

石遺室文續集

侯官陳衍

力孝子傳

力秉璣字銘于福建永福人七歲父變遊山東亙二十餘年不歸秉璣從兄秉文讀書塾中歸輒詰父所在母叱之曰而父奔走衣食數千里外爾數尺童子不力學圖進取何問爲秉璣淚下則私借山東路程圖記鈔之時時展閱未幾母病偏痺祖母衰老父寄金不時至失館則音問亦希則依其姑適嚴氏者以居姑令秉文習舉業秉璣學賈以資生計秉文爲縣諸生授徒於外母病劇秉璣獨侍湯藥竊割臂肉和糜進小愈未幾與祖母相繼逝時父方以

河決上書請復故道工部代奏不報滯京師秉璣與秉文謀曰不得父耗且數年弟決往尋父兄文弱留措家計兄泣曰閒關數千里安得資斧且脫不得父奈何秉璣曰確知所在又得資斧直往侍父耳無爲貴尋也弟尋父以山東始不於山東域必得父而後已且擬沿途行賈稍權子母儻得數金可矣不足丐以繼之秉文出貸諸親友秉璣持以行至浙而盡姑之夫嚴氏浙產也姑沒挈子女回籍遠之遊他省矣方徬徨閒同舍某悉其事慨然贈銀十餘兩未達又罄丐以往或終日不得一飽暮宿荒廟中途敝衣且被掠夢有神示某寺可乞火則有僧欸焉比至山東其父已道直隸河南湖廣江西回里矣秉璣進退無計日

蹀躞於某公之門向之而泣某乃其父所爲主曾令齊東者也廉得其情鳩貲俾得歸同里何某重其孝以女妻之父卒躬舂黍治塋三年廬焉卒年六十有七以孝子旌表其閭

陳衍曰孝爲庸行不幸至冒危苦以求之知不得父不可爲人耳他何計焉黃孝子向堅萬里尋親難艱險巖視秉璣遠過之然使秉璣至山東尙不得父其不遽廢然而返必如其對兄所言豈顧問邪

蕭穆傳

蕭穆字敬甫安徽桐城人同治初年粵寇旣平曾國藩總督兩江注意文事延攬學人穆以縣諸生上書幕府時上海方創立機器製造局附設繙譯館譯歐美史學輿地天算聲光化電諸書用文筆雅馴者討論修飾穆首與焉顧薪水至薄穆飲食衣服至樸儉饌之美者惟豕肉蒸菽乳月數嘗耳局若館隸江海關道別以候補道員駐局爲總辦穆常自提籃入市市物所謂總辦者坐馬車遇之耳其爲總督所禮也則命僕代之提已而穆索回自提嗜積書大亂初定價極廉書賈多集上海穆節省衣食之餘益以賣文所得一用市書日夜攷求遂熟於目錄板本之學士

夫之說學而宦遊東南者多從之求則販貴所贏益市書
故一寒士而積書至數萬卷間多善本長沙王先謙任江
蘇學政刊皇清經解續編又續姚氏鼎古文辭類纂取材
出於穆者十八九穆嘗語其友陳衍曰吾辛苦旅食數十
年於曾文正公所謂租蔬魚豬書車諸物居然略備亦以
豪矣爲文長於攷證敘跋居多楷書粗拙得秘本校勘多
寫夜靜目昏不少休晚年用時患目疾所刊若羅願鄂州
小集徐鉉騎省集皆札記精詳未有刻本者其餘則以屬
大通李氏貴池劉氏與祥符周星詒大興傅以禮瑞安孫
詒讓交久而摯詒讓刻札多周書斟補皆穆任校讎光緒
末年卒於家年七十矣子不能有其書遽鬻於嘉興沈氏

貴池劉氏劉氏爲搜集遺文刊焉

陳衍曰目錄校勘之學有清爲極盛穆蓋何焯盧文昭黃丕烈顧廣圻之流亞也中國國家無巨大文庫私家藏書罕能久者獨甯波天一閣歷數百載今日亦盜賣流海外矣舊籍之亡烏知所屆邪



不遺室文集卷之四
中國圖書集成
大文庫
...

馬貞榆傳

馬貞榆字季立廣東順德人以縣學生肄業廣州學海堂番禺陳澧爲學長治經兼采漢宋貞榆受尙書禹貢春秋左氏傳精舊地理之學文筆質雅曲暢與同學梁鼎芬相善張之洞爲兩廣總督創廣雅書院移督湖廣創兩湖書院皆聘貞榆分教經學鼎芬爲兩湖院長並先後延宜都楊守敬新化鄒代鈞嘉興沈曾植丹徒陳慶年輩充史學輿地各分教稱盛一時未幾朝廷行新法書院悉改學堂貞榆爲兩湖師範學堂存古學堂教習歲入較豐購宅於菱湖之濱積書數千卷一樓庋之自言夏日荷花彌望如住舟中夜見隔湖燈火不知身在城市一生至樂境也未

幾之洞入爲大學士軍機大臣旋薨於位貞榆束修銳減
乃就京師大學之聘而武昌兵事起遂流落京師久之爲
一小學校教員年七十餘窮困死校中貞榆貌古瘦極似
畫像中錢大昕不能治生產中年喪妻遺子女各一遂不
娶佐飯惟嗜醃肉白菜而衣履襤褸時見肘決踵之洞
薨自武昌走京師數千里哭祭之所著尙書左傳口義若
千卷及禹貢圖均有印本

陳衍曰周官九兩師以賢得民儒以道得民貞榆自貢成
均以儒學教諭候選薦舉經濟特科召試未應終其身任
教育職甚稱所謂儒者非耶敘勞僅得翰林院典簿時世
變易客死異鄉彷彿唐杜甫孟郊焉世無嚴武鄭餘慶其

人若貞榆又甯足異耶

八世貞簡又富吳氏

楊守敬傳

楊守敬字惺吾湖北宜都人同治壬戌舉於鄉選黃州府儒學教授官舍與東坡雪堂鄰自號鄰蘇光緒初年隨香山何如璋使日本時日本維新伊始唾棄舊學書所有善本守敬賤價得之殆盡滿載海舶歸黃州有屋數十間充棟焉久之日人乃大悔後四十年其國岩崎文庫以日銀十一萬八千圓購歸安陸氏之書二十萬卷有奇歸島田彥楨作函宋樓藏書源流攷猶述守敬事以爲聊足報復云守敬治舊地理早著歷代地理沿革圖隋書地理志攷證行世晚成禹貢本義水經注要刪水經注圖晦明軒稿以爲自來治禹貢諸家於兩岐山兩荆山兩衡山兩三危

之類往往強爲牽合莫得要歸實則冀州之岐在介休雍州之岐在美陽雍州之荆在懷德荊州之荆在臨沮荊州之衡爲岫嶺導山之衡爲天柱雍州之三危在敦煌黑水之三危在鳥鼠之西其他徐州有蒙羽梁州又有蔡蒙雍州有漆沮兗州又有灃沮梁州有沱潛荊州又有沱潛荊州有九江導水又有九江雍梁有黑水導水又有黑水皆異地同名必溝而通之終嫌扞格不相入生平敝精力爲水經注疏一書舉全趙戴諸家謬誤摧陷廓清無所於讓方年六十餘時常汲汲顧日影慮不得上壽不及成書請其友人陳衍以子平法算之行謂可至耄耄且曰君軀幹修偉豐髯聲如洪鐘神似畫像毛西河冒巢民兩先生於

相法亦當大壽則大喜後十餘年與衍相見京都則急出水經注疏稿本相質曰吾書幸已成多弟子熊生助屬稿山東刻工廉已半付寫定矣此外精目錄金石之學碑帖及宋元版古書經攷訂題跋景摹上石付梓者不可勝數所成有日本訪書志續補寰宇訪碑錄留眞譜錢錄留眞譜者湖北手民技甚劣守敬多方指教刊本至能影宋元於是四方精刊之本集於武昌守敬各印其首葉留以爲譜也古佚叢書數十種則遵義黎庶昌屬爲搜刻者所見碑版旣多書法高古融篆隸於行楷中非貌爲六朝者所及書名尤見重於日本辛亥武昌兵事起避地上海上海寓公多賣字畫爲活亂後市者希獨守敬曾一月售至一